

आकाशवाणी

- 1.लोकसभा नै राष्ट्रपति हुंदे अभिभाषण उप्पर धन्नवाद प्रस्ताव गी स्वीकार करी लैता ऐ।
- 2.केन्द्री गृह मंत्री अमित शाह होरें जम्मू-कश्मीर बारै लाई गेदी सुरक्षा समीक्षा बैठक दी प्रधानता कीती।
- 3.दिल्ली दे लेफ्टिनेंट गवर्नर विनेई कुमार सक्सेना होरें दिल्ली दे मतदाताएं गी अपील कीती ऐ जे ओह लोकतंत्र दे महापर्व च पक्क गै शमूलियत करन।
- 4.दिल्ली च अज्ज होआ करदे असैम्बली चुनाएं दरान 1 करोड़ 56 लख शा मते योग्य मतदाता, वोट पाने दे अपने हक्कै दा इस्तेमाल करडन।
- 5.प्रधानमंत्री नरेन्द्र मोदी होर अज्ज प्रयागराज च महाकुंभ मेले दा दौरा करडन।

<><><><><><>

Watershed Yatra

केंद्री ग्रामीण विकास मंत्री शिवराज सिंह चौहान अज्ज हाइब्रिड मोड च वाटरशेड यात्रा दी शुरूआत करडन जेदा विषेसार जल लाए धन धान्य होग। कल नमीं दिल्ली च मीपिया गी संबोधित करदे होई श्री चौहान होरें आखेआ जे इस जन संपर्क अभियान दा मकसद वाटरशेड विकास गतिविधियें दे बारै च जागरूकता पैदा करना ऐ। जन संपर्क अभियान च शामिल 805 परियोजनाएं च लगभग 60 कोला लेइयें 90 दिनें तगर वैन दी आओजाई शामिल हाग जेहड़ी 26 राज्यें ते 2 केंद्र शासित प्रदेशों दी 6 जहार 673 ग्राम पंचायतें च जाग। एह अभियान प्रधानमंत्री कृषि सिंचाई योजना दे दुए चरण दा इक हिस्सा ऐ जेदे च कृषि आजीविका ते पर्यावरण सुधार लेइ कुदरती संसाधनें दे टिकाऊ प्रबंधन पर बल दिता गेआ ऐ। मंत्री होरें कल नमीं दिल्ली च मीपिया कन्नै गल्लबात करदे होई आखेआ जे अभियान राहें जल संरक्षण ते मिट्टी दी गुणवत्ता बारै लोकें च

जागरूकता पैदा कीती जागं उनें मते शा मते लोकें गी इस अभियान कन्ने जुड़ने दा आग्रह कीता ऐ।

<><><><><><><>

Amit Shah

केंद्री गृह मंत्री अमित शा होंरें कल नमीं दिल्ली च इक बैठक लाइए जम्मू-कश्मीर दी सुरक्षा स्थिति दा जायजा लैता। बैठक च गृह सचिव गोविंद मोहन, सेना प्रमुख जनरल उपेंद्र द्विवेदी ते होर दुए वरिष्ठ अधिकारी शामिल होए। पिछले महीने होई दी बैठक च केंद्री गृह मंत्री होंरें सारी सुरक्षा एजेंसिएं गी हिदायत कीती ही जे ओह आतंकवाद गी दना बी नेई बर्दाश्त करने आहली नीति अपनान तां जे जम्मू-कश्मीर गी आतंकवाद थमां मुक्त बनाया जाई सकै।

<><><><><><><>

Delhi-LG Voting

दिल्ली दे उपराज्यपाल मनोज सिन्हा होंरें लोकें गी दिल्ली विधानसभा च वोट पाने दे अपने हक्कें दा इस्तेमाल करने दा आग्रह कीता ऐ। अपने स्नेह च सक्सेना होंरें आखेआ जे वोट पाने दे अपने हक्कें दा इस्तेमाल करियै दिल्ली दे लोक अपना नेता चुनी सकदे न। उनें लोकें दी भागीदारी दी महत्ता पर लोह पांटे होई आखेआ जे जनभागीदारी गै लोकतंत्र गी मजबूत बनांदी ऐ।

<><><><><><><>

Delhi Polls

दिल्ली च अज्ज विधानसभा दी 70 सीटें लेई वोट पाए जा करदे न। मतदान बड़लै 7 बजे थमां शुरू होई गेदा ऐ जेड़ा संझा 6 बजे तक्कर जारी रहैग। 1 करोड़ 56 लख शा मते मतदाता 699 मेदवारें गी चुनने लेई वोट पांगन। प्रमुख मेदवारें च आम आदमी पार्टी दे राष्ट्रीय संयोजक अरविंद केजरीवाल, दिल्ली दियां मुखमंत्री अतिशी, दिल्ली सरकार दे मंत्री गोपाल राय, भारतीय जनता पार्टी दे विजेंद्र गुप्ता, प्रवेश वर्मा, रमेश बिधूड़ी, कैलाश गहलोत, कांग्रेस दी तरफा संदीप दीक्षित, हारून युसुफ ते अल्का लाम्बा चुनाव मैदान च न।

आजादाना, निरपक्ख ते शांतिपूर्ण मतदान यकीनी बनाने लेई सब्बे लोइचदे इंतजाम कीते गेदे न। विधानसभा दे 70 निर्वाचन हल्कें च 13 जहार 700 शा मते मतदान केंद्र बनाए गेन, इंदे चा 70 मतदान केंद्रें दा प्रबंधन पूर्ण तरीके कन्नै महिलाएं आसेआ ते 70 होरनें मतदान केंद्रें दा प्रबंधन दिव्यांगजनें आसेआ कीता जारदा ऐ। निर्वाचन आयोग नै बवस्थित ढंग्गै नै मतदान लेई 1 लक्ख 80 जहार शा मते मतदानकर्मी तैनात कीते देन। दिल्ली मेट्रो दे सेवा बड़लै 4 बजे थमां गै शुरू होई गेदियां न तां जे मतदान कर्मियें ते होरनें लोकें गी समें पर मतदान केंद्रें पर पुज्जने च कोई मुश्किल नेई होऐ। वोटें दी गिनतरी शनिवारें 8 तरीक गी होग।

<><><><><><><><>

Delhi Election Add

दिल्ली विधानसभा चुनाएं च फर्जी मतदान गी रोकने लेई चुनांस आयोग ते दिल्ली पुलसै अपनियां कोशशां तेज करी दित्तिआं न। आयोग दी तरफा सब्बनें मतदान केंद्रें पर सीसीटीवी दे राहें निगरानी कीती जा करदी ऐ। तोआई, दिल्ली पुलसै गैर-कनूनी बांग्लादेशी ते रोहिंग्या घुसपैठियें खलाफ विशेष अभियान शुरू कीता ऐ। राजधानी च गैर-कनूनी तरीके कन्नै रवै करदे लोकें दी पन्छान करने, उनें'गी गिरफ्तार करने ते वापस भेजने लेई केई इलाकें च छापे मारे जा करदे न। फर्जी मतदान गी रोकने लेई अधिकारियें हर मुमकन गैह पुट्टी ऐ।

<><><><><><><><>

PM-Mahakumbh

प्रधानमंत्री नरेंद्र मोदी होर अज्ज उत्तर प्रदेश दे प्रयागराज च महाकुम्भ मेले च जांगन। इस दौरान ओह त्रिवेणी संगम च पवितर चलोबी बी लांगन। इस मौके पर मुखमंत्री योगी आदित्यनाथ बी उत्थे मौजूद रौहडन। अपने दौरे दौरान प्रधानमंत्री होर गंगा, यमुना ते सरस्वती दे पवितर संगम पर पूजा अर्चना करंगन। महाकुम्भ च प्रधानमंत्री हुंदा साधू-संतें कन्नै मलाटी करने दी बी मेद ऐ। हूनै तोड़ी महाकुम्भ मेले च 38 करोड़ शा मते श्रद्धालुएं त्रिवेणी संगम च पवितर चलोबी लाई लैती। महाकुम्भ मेले दी शुरूआत 13 जनवरी गी होई ही।

<><><><><><><><>

US Prez. Trump-Netanyahu

अमरीका दे राष्ट्रपति ढोनाल्ड ट्रम्प होरें आखेआ ऐ जे अमरीका, जंग दी मारें हेठ आए दे गाजा पट्टी पर कब्ज़ा करने ते इसी आर्थिक रूप कन्नै विकसित करने दी योजना बना करदा ऐ। व्हाइट हाउस च अज्ज इजरायल दे प्रधानमंत्री बेंजामिन नेतन्याहू हुंदे कन्नै सांझे संवाददाता सम्मेलन च, श्री ट्रम्प होरें आखेआ जे गाजा च हर चाल्ली दे खतरनाक बम्ब ते होर दुए थेह्ारें गी नश्ट करने दी जिम्मेदारी अमरीका दी होग। उनें इलाके च आर्थिक विकास दा दावा कीता, जेह्दे'नै उत्थुं दे लोके गी बेस्हाबी नौकरियां ते आवास सुविधा उपलब्ध करोआई जाहग। एह किश ऐसा होग जेह्दे उप्पर पूरा पच्छिम एशिया गर्व करी सकदा ऐ। राष्ट्रपति ट्रम्प हुंदा एह बयान कल गाजा थमां फिलिस्तीनियें दे गवांणी मुखें च स्थायी पुनर्वास दे आह्वान दे बाद आया ऐ। इजरायल दे प्रधानमंत्री बेंजामिन नेतन्याहू होर राष्ट्रपति ट्रम्प हुंदे दुए कार्यकाल दुरान जातरा करने आहले पैहले वैश्विक नेता न।

<><><><><><>

Libia

लीबिया च भारती दूतावास नै कई हफ्तें तगर बेनगाजी च फसे रौहने दे बाद 18 भारतीयें गी देश वापस औने दी सुविधा प्रदान कीती ऐ। ओह अज्ज भारत पुज्जा रदे न। विदेश मंत्रालय दे प्रवक्ता रणधीय जयसवाल होरें इक्क सोशल मीडिया पोस्ट च आखेआ जे एह लोक कम्म आस्तै लीबिया गे हे ते कई हफ्तें तगर उत्थे फंसे दे रेह। उनें आखेआ जे दूतावास मकामी अधिकारियें कन्नै रलियै कम्म कीता ते भारतीय श्रमिकें दे जातरा दस्तावेज तैयार कराने च मदद कीती। उनें अग्गे आखेआ जे सरकार विदेश च सब्बै भारतीयें दे कल्याण ते सुरक्षा लेई प्रतिबद्ध ऐ।

<><><><><><>

Reddy Saudi Arabia

कोयला ते खानें सरबन्धी केंद्री मंत्री जी. किशन रेड्डी होरें कल साउदी अरब दे उद्योग ते खनिज संसाधन मंत्री हुंदे कन्नै नमीं दिल्ली च उच्ची सतह दी बैठक कीती। मंत्रालय नै इक बयाने च आखेआ जे बैठका दा मकसद महत्वपूर्ण

खनिज खेतर च सहयोग गी मजबूत करना ते निवेश ते तकनीकी सहयोग लेई नमें मौके तुप्पना हा। मंत्रालय नै दस्सेआ जे दौने नेताएं आयात पर निर्भरता घट्ट करने लेई विश्वसनीय खनिज आपूर्ति श्रृंखला स्थापित करने दी जरूरत पर जोर दिता।

<><><><><><>

Venkateraman

आकाशवाणी दे वयोवृद्ध समाचार वाचक वेंकटरमण हुंदा कल रातीं चेन्नई च काल होई गेआ। 102 बरें दे वेंकटरमन होरें 15 अगस्त 1947 दी बङ्गलै आकाशवाणी दिल्ली थमां भारत दी स्वतंत्रता दे समाचार गी प्रसारित कीता हा। एह खबर सब्बनें शा पैहले बङ्गलै 5 बज्जियै 45एं मिनटें पर रेणियो सीलेन लेई तमिल च प्रसारित कीती गई ही। ओह 64 बरें तगर आकाशवाणी कन्ने जुड़े दे रेह।

<><><><><><>

Sahitya-Akadami

सरकार नै पोगरी भाषा लेई 2024 दा साहित्य अकादमी पुरस्कार स्वर्गवासी चमन अरोड़ा होरें गी उंदी कताब इक होर अश्वथामा लेई देने दी घोषणा कीती ऐ। संस्कृति मंत्रालय नै इक बयानै च दस्सेआ जे 3 सदस्यें दी चयन समिति नै सिफारिश दे आधार पर सब्बनें दी सहमति कन्ने इस कताब गी चुनेआ ऐ। साहित्य अकादमी दे अध्यक्ष माधव कौशिक होरें इस फैसले गी सहमति दिती ऐ। पुरस्कार च कैह दी उत्कीर्ण पट्टिका आहले मंजूषा ते 1 लक्ख रपे दिते जांगन। 8 मार्च गी नमीं दिल्ली च आयोजित होने आहले विशेष समारोह च परोआर दे सदस्य जां नामांकित व्यक्ति गी एह पुरस्कार प्रदान कीता जाग।

<><><><><><>

Loksabha Motion

प्रधानमंत्री होरें आखेआ जे एह सरकार दी प्रतिबद्धता, समर्पण ते सख्त मेहनत करी गै संभव होई सकेआ ऐ। उनें आखेआ जे सरकार, राजकोषीय सूझ-बूझ दी पालमा करदे होई तरक्की लेई कम्म करा'रदी ऐ। राष्ट्रपति हुंदे अभिभाषण दी सराहना करदे होई प्रधानमंत्री होरें आखेआ जे एह प्रेरणा देने आहला ऐ ते एहदे'नै सरकार आसेआ विकसित भारत लेई कीती जा'रदिएं कोशिशें गी बल थोआ'रदा ऐ। प्रधानमंत्री होरें आखेआ जे गरीबें गी चार करोड़ घर दिते गे'न ते देश भरै च 12 करोड़ शौचालय बनावे गेन जेहदे'नै करोड़ें लोकें खासकरी महिलाएं दा जीवन सखल्ला होआ ऐ। उनें आखेआ जे जल जीवन मिशन तैहत गरीब लोकें गी 12 करोड़ थमां मते नलकें आहले पानी दे कनेक्शन दिते गेन जेदे नै दूषित पानी कन्ने फैलने आहिलियां बमारियां घट्ट होइयां न। उनें आखेआ जे उन्दे कार्यकाल च पूंजीगत खर्च अखराजातें लेई बजटीय सरबंधी बं च बड़ा बाद्दा होआ ऐ ते इसी बधाइयै 11 लख 21 जहार करोड़ रुपे थमां बद्द करी दित्ता गेआ ऐ। उनें आखेआ जे सरकार नै शासन च पारदर्शिता आंदी ऐ जेहदे नतीजें च करोड़ें रुपें दी बचत होई ऐ। उनें आखेआ जे लाहकारिएं दी पंछान दे कन्ने 3 लख करोड़ रुपें दी बचत होई ऐ। उनें आखेआ मध्यम वर्ग गी प्रोत्साहित करने लेई बक्ख-बक्ख कदम पुट्टे गेदे न जेदे कन्ने पिछले 10एं बरें च मती बचत होई ऐ। उनें आखेआ जे हाल च गै सरकार नै 12 लख रुपें तक्कर दी टैक्स छूट दी घोषणा कीती ऐ जेड़ा मध्यम वर्ग दे माली हालात गी मजबूत करने आहली भेठा इक बड़ी गैह ऐ।

<><><><><><><><>

BCCI-Cricket

भारती क्रिकेट कन्ट्रोल बोर्ड - बीसीसीआई नै कल्लै थमां इंग्लैंड खलाफ शुरु होने आहली त्रै इक ध्याड़े आहले क्रिकेट मैचें दी श्रृंखला लेई भारती टीम च वरुण चक्रवर्ती गी शामिल कीता ऐ। वरुण नै इंग्लैंड खलाफ खेड्डी गेदी 5 टी20 मैचें दी श्रृंखला दरान कुल 14 विकेटां लैतियां हिआं जिंदे च राजकोट आहले मैच च लैती गेदी 5 विकेटें आहली उपलब्धि बी शामिल ऐ।

<><><><><><><><>